

գույն դիվանում կուտակված բողոքների և զանազան դատական գործերի քննություն²⁷։ Այդ գործերի մեջ քիչ չէին նաև Չուխուր-Սա՛ղի վիլայեթի ռա-յաթներից ստացված բողոքները²⁸։

Իսթանդար Մունշին «Աբբասյան աշխարհարար պատմության» առաջին հատորում թվարկում է շահ Թահմասպի օրոք «Բարձրագույն դիվանի դաֆ-թարում» արձանագրված 114 ամիրների անուններ։ Այդ ցուցակից պարզվում է, որ XVI դ. երկրորդ կեսում Չուխուր-Սա՛ղի վիլայեթի մեջ մտնող առանձին շրջաններ որպես օլթա պատկանում էին բոլորովին տարբեր ցեղերի ամիր-ներին։ Մուհամմադի խան Թոխմախի բեկլարբեկության ժամանակ Շորագչալի և ապա Ալաշկերտի հաքիմն էր Կարախան Բայբուրդլուն, Չուխուր-Սա՛ղի ամիրներից էր նաև Կլիշ-խալիֆա Փաղուկին, օլթաներ ունեւր նաև Արիավութ Իբրահիմ-խալիֆան²⁹։

Մուհամմադի խանի բեկլարբեկության առաջին տարիները համեմատաբար խաղաղ էին, որոնց ընթացքում նա ձեռնարկեց որոշ շինարարական աշ-խատանքներ։ Նրա ժամանակներին է վերաբերում Երևանում, ոռոգման մեծ հնարավորություններով օժտված, խոշոր լճի կառուցումը, որ մինչև վերջերս կոչվում էր «Թոխմախ-խան գյուլ»³⁰։

Սակայն այս խաղաղությունը խաբուսիկ էր և հզի նոր ու ավելի ծանր ար-հավիրքներով։ 1578 թ., երբ Իրանում սրվել էին կրգըլբաշ ցեղերի միջև թա-գավորական դահի թեկնածության շուրջ ծավալված հակասությունները, և դա-վադրաբար սպանված շահ Իսմայիլ II-ի տեղ զահ էր բարձրացել շահ Թահ-մասպի կուրացած որդի Սուլթան-Մուհամմադ Խուդաբանդան, նորից բորբոք-վեցին և ավելի մեծ ծավալ ստացան պատերազմական գործողությունները Թուրքիայի և Իրանի միջև։

Կռիվներն սկզբում սահմանադրվալին մանր ընդհարումների և ասպատա-կությունների բնույթ էին կրում։ Այն բանից հետո, երբ Վասպուրականի արե-վելյան շրջաններում բնակվող քրդական ցեղերի ամիրներն ասպատակու-թյան և ավարառության ենթարկեցին Խոյի, Սայմաստի և Ուրմիայի շրջան-ները, էրզրումի փաշան ևս 1577—1578 թթ. ձմռանը մեծ արշավախումբ ու-ղարկեց ասպատակելու Շորագչալի շրջանը, սակայն Կարախան սուլթան Բայբուրդլուն կարողացավ փոքրաթիվ ուժերով ետ մղել այդ հարձակումը։

Նմանօրինակ մանր հարձակումներով շոշափելով կրգըլբաշների պաշտ-պանության թույլ կետերը, ինչպես նաև ծավալելով քայքայիչ գործունեություն Անգրեկովկասի սյուննի մահմեդականության և լեռնականների մեջ, 1578 թ. գարնանը օսմանյան 100.000-անոց բանակը լալա Մուստաֆա փաշայի գլխա-վորությամբ էրզրումի վրայով շարժվեց դեպի Վրաստան։ Յանկանալով կան-խել արշունահեղ ընդհարումները, Խուդաբանդա շահը որոշում է Մուհամմադի խան Թոխմախի խորհրդականներից վալի բեկ Ուսթաջլուի միջոցով մի հու-շադիր ուղարկել սուլթան Մուրադին, պահանջելով վերջ տալ սահմանամերձ փաշաների ոտնձգություններին։ Սակայն նրանք վալի բեկին ճանապարհին ձերբակալում են և սպանում։

27 Նույն տեղում, էջ 207։

28 «Հրովարտական» I, վավ. 19։

29 Իսթանդար Մունշի, հ. I, էջ 141։

30 Ներկայումս Կոմերիտիության անվան դրոսայգու լիճը։